



REPUBLIKA E KOSOVËS / REPUBLIKA KOSOVA

GJYKATA THEMELORE MITROVICË - DEGA E GJYKATËS VUSHTTRRI

Numri i lëndës: 2024:302475

Datë: 01.11.2024

Numri i dokumentit: 06389037

P.nr.321/24

NË EMËR TË POPULLIT

GJYKATA THEMELORE NË MITROVICË – DEGA NË VUSHTTRRI - Departamenti i Përgjithshëm – Divizioni Penal, gjyqtari i vetëm gjykues Agron Maxhuni, në çështjen penale kundër të pandehurit XH.M. nga komuna e Vushtrrisë për shkak të veprës penale *Dëmtimi i të drejtave pronësore të personit tjetër* nga neni 332 par.1 të KPRK-së, duke vendosur sipas aktakuzës së Prokurorisë Themelore në Mitrovicë - Departamentit të Përgjithshëm PP.II.nr.1683/21, e datës 28.10.2024, më datë 01.11.2024 përpiloi këtë:

A K T G J Y K I M

PRANOHET kërkesa e Prokurorisë themelore në Mitrovicë PP.II.nr.1683/21, e datës 28.10.2024, andaj gjykata konform dispozitës të nenit 495 të KPPK-së, jep:

URDHËR NDËSHKIMOR

I PANDEHURI: XH.M., nga i ati I., e ëma M., data e lindjes...në fshatin M., komuna e Vushtrrisë, ku edhe tani banon, i martuar, i gjendjes së mesme ekonomike, ka të kryer shkollën e mesme, me numër të identifikimit ..., shqiptar, shtetas i Republikës së Kosovës.

ËSHTË FAJTOR

SEPSE: Me datën 23.09.2021, në Vushtri, i pandehur me dashje dhe në mënyrë të kundërligjshme, me qëllim të pengimit të realizimit të së drejtës pronësore, në cilësi të debitorit, ka tjetërsuar, asgjësuar sendin edhe atë traktorin e llojit Rakovica 60, duke ditur se e dëmtuara NLB banka ka të drejtën e pengut mbi të dhe duke e ditur se nuk guxon ta tjetërsoj, pasi që i njëjti sipas marrëveshjes e kishte lënë peng për ta siguruar kthimin e kredisë, me çka i shkakton dëm material të dëmtuarës shumë prej 23,521.29 euro,

-Me këtë ka kryer veprën penale *Dëmtimi i të drejtave pronësore të personit tjetër* nga neni 332 par.1 të KPRK-së

Andaj, gjykata konform dispozitave të neneve 4, 7, 17, 21, 38, 40, 43, 69, 70, dhe nenit 332 par.1 të KPRK-së, si dhe nenit 449, 462 dhe 495 të KPPK-së, e

G J Y K O N

DËNIM ME GJOBË në shumën prej pesëqind euro (500 €), i cili dënim do të ekzekutohet 15 ditë pas plotfuqishmërisë së këtij aktgjykimi. Në rast se i akuzuari refuzon të paguajë këtë dënim me gjobë, atëherë ky dënim me gjobë do të shndërrohet në dënim me burg, duke i caktuar të akuzuarit për çdo njëzetë (20) euro të dënimit me gjobë, nga një (1) ditë burgim.

Pala e dëmtuar N... banka për realizimin e kërkesës pasurore juridike udhëzohet në kontest të rregullt civil.

DETYROHET i pandehuri që në emër të paushallit gjyqësorë të paguajë shumën prej tridhjetë (30) euro.

Të gjitha këto në afat prej 15 ditësh prej ditës së marrjes së formës së prerë të këtij aktgjykimi nën kërcënimin e ekzekutimit të dhunshëm.

A r s y e t i m

Prokuroria Themelore në Mitrovicë - Departamentit të Përgjithshëm ka paraqitur aktakuzë PP.II.nr.1683/21, e datës 28.10.2024, kundër të pandehurit XH.M., nga komuna e Vushtrrisë për shkak të veprës penale *Dëmtimi i të drejtave pronësore të personit tjetër* nga neni 332 par.1 të KPRK-së.

Gjykatës i është kërkuar që kundër të akuzuarit të jep Urdhër Ndëshkimor me arsyetimin e besueshëm nga kallëzimi penal dhe provat e bashkangjitura lidhur me bazueshmërinë e aktakuzës së prokurorisë së shtetit në drejtim të vërtetimit të fakteve se i akuzuari vërtetë e ka kryer veprën penale për të cilën akuzohet.

Me dispozitat ligjore të Kodit Penal të Republikës së Kosovës, për veprën penale me të cilën akuzohet i pandehuri XH.M., ligjvënësi ka paraparë dënim me gjobë ose me burgim deri në tre (3) vjet, që nënkupton se në rastin konkret zbatohen dispozitat ligjore të procedurës së veçantë nga neni 495 të Kodit të Procedurës Penale të Republikës së Kosovës.

Me rastin e shqyrtimit paraprak të çështjes e konform nenit 493 dhe 494 të KPPK-së, gjyqtari i vetëm gjeti se janë plotësuar kushtet nga neni 493 të KPPK-së dhe konform dispozitave nga neni 495 par.1 të KPPK-së ashtu që morri vendim që ta pranojë kërkesën për dhënie e urdhrin ndëshkimor si në dispozitiv të këtij aktgjykimi.

Gjykata konsideron se provat e bashkangjitura në shkresat e lëndës: marrëveshja mbi pengun me numër K0719/803, i datës 22.05.2019, procesverbali i përpiluar nga tereni, i datës 23.09.2021, evidencat nga gjendja e llogarisë bankare të pandehurit, kontrata për mbitërheqje me numër K0719/804, i datës 22.05.2019, kontrata për kredi biznesi me numër K0719/803, i datës 22.05.2019 dhe duke u bazuar në këto prova të besueshme vërtetoi se në veprimet e të akuzuarit ekzistojnë elemente të veprës penale *Dëmtimi i të drejtave pronësore të personit tjetër* nga neni 332 par.1 të KPRK-së, për këtë edhe i shqiptoi urdher ndëshkimor si në dispozitiv të këtij aktgjykimi.

Me rastin e caktimit të lartësisë së dënimit me gjobë gjykata mori parasysh rrethanat si: shkallën e përgjegjësisë penale, intensitetin e rrezikimit apo dëmtimit të vlerës së mbrojtur në këtë çështje penale dhe rrethanat në të cilat është kryer vepra penale.

Andaj gjykata vlerësoi se edhe me këtë dënim të shqiptuar do të arrihet qëllimi i dënimit në vështtrim me nenin 38 të Kodit Penal të RKS-së, që të parandaloj kryesin nga kryerja e veprës penale në të ardhmen, vepra këto të cilat janë në rritje e sipër, të bëjë rehabilitimin e tij, që në të ardhmen i pandehuri të ketë kujdes të shtuar që të mos bie në kundërshtim me ligjin, pasi që gjykata mundet të ashpërsojë dënimin kundër tij, si dhe me këtë dënim shpreh gjykimin shoqëror për veprën penale të kryer dhe ngritë moralin dhe forcimin e detyrimit për respektimin e ligjit.

Vendimin mbi kërkesën pasurore juridike gjykata e mori në bazë të nenit 462 par.2 të KPPK-së

Vendimi mbi shpenzimet e procedurës penale gjykata e ka marrë në bazë të nenit 449 par.2 nën par.2.6 të KPP-së.

Me sa u tha më lartë u vendos si në dispozitiv të këtij aktgjykimi.

GJYKATA THEMELORE NË MITROVICË – DEGA NË VUSHTRRI
Departamenti i Përgjithshëm – Divizioni Penal
P.nr.321/24, datë 01.11.2024

GJYQTARI
Agron Maxhuni

KËSHILLË JURIDIKE: Kundër këtij aktgjykimi mund të ushtrohet kundërshtimi në afat prej 8 ditëve nga dita e marrjes me shkrim. Kundërshtimi i drejtohet kësaj gjykate me shkrim apo me gojë në procesverbal të gjykatës.